



REPUBLIKA E KOSOVËS-REPUBLIKA KOSOVA-REPUBLIC OF KOSOVO			
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS			
NEZAVISNI NADZORNI ODBOR CIVILNE SLUŽBE KOSOVA			
INDEPENDENT OVERSIGHT BOARD CIVIL SERVICE OF KOSOVO			
Planuar / Doretuar Planned / Produced Received / Delivered	08-03-2021	viti year	2021
Organ / Njësia Organ / Unit Org. / Unit	Nr. Prok. Bil. Prok. Proc. No.	Shtesa e Prilog Appendix	Sasia Kolicina Quantity
SKIDMBHEK/1051/2021			1/3



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.34/2021

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave në përbërje nga: Eshref Shabani-kryetar, Malsore Gashi-Bajraktari dhe Jeton Koca-anëtarë dhe Avdyll Bektashi-Zyrtar i Lartë për Bashkëpunim Profesional në cilësinë e procesmbajtësit, kanë shqyrtuar ankesën me numër A.nr.34/2021 të datës 27.01.2021 të parashtruar nga ankuesi me adresë fshati "Zhiti" në Komunën e Vitisë, kundër organit të punësimit/Policisë së Kosovës, në çështjen juridike "kompensim material", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 08.03.2021, mori këtë:

V E N D I M

REFUZOHET si e pabazuar ankesa me numër A.nr.34/2021 e datës 27.01.2021 e parashtruar nga ankuesi

A r s y e t i m

Ankuesi i punësuar sipas Kontratës Punë për Kohë të Pacaktuar të datës 19.08.2014 në pozitën "Zyrtar i Personelit", në Stacionin Policor në Kllokot, më datë 06.10.2020 ka parashtruar ankesë në Komisionin për Ankesa të Policisë së Kosovës, për kompensim nga pakoja emergjente COVID-19.

Komisioni i Ankesave i Policisë së Kosovës, më datë 15.01.2021 ka nxjerr Vendim me të cilin është shpall in kompetent për të vendosur për ankesën e ankuesit me arsyetim në bazë të nenin 24 paragrafit 3 të Ligjit Nr. 06/L-114 për Zyrtarët Publikë, ankesat parashtrohen drejtpërdrejtë në Këshillin e Pavarur Mbikëqyrës për Shërbimin Civil të Kosovës.



Ankuesi më datë 27.01.2021 nëpërmjet ankesa.kpmshck@rks-gov.net, ka parashtruar ankesë për Këshillin e Pavarur Mbikëqyrës për Shërbimin Civil të Kosovës e cila është regjistruar me Nr.Prot: 331/2021, me pretendimet ankimore për kompensim nga pakoja emergjente për muajin korrik, gusht dhe shtator sipas Vendimit me Nr. 02/32 i datës 25.09.2020 i Qeverisë së Republikës së Kosovës.

Këshilli i Pavarur Mbikëqyrës për Shërbimin Civil të Kosovës, më datë 01.02.2021 ka dërguar kërkesën për përgjigje në ankesë të ankuesit në Policinë e Kosovës. Më datë 04.03.2021 Këshilli ka pranuar përgjigje në ankesë nga Policia e Kosovës, me shkresat e bashkangjitura të lëndës.

Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën me Nr. Prot: 331/2021 të datës 27.01.2021 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Vendimin e datës 15.01.2021 të Komisionit të Ankesave të Policisë së Kosovës; Shkresë e datës 14.07.2020; Vendimin me Nr. 02/32 o datës 25.09.2020 i Qeverisë së Republikës së Kosovës; Lista e Zyrtarëve të Angazhuar në punë me orarin 12 ore për muajin Korrik, Gusht dhe Shtator; Liste e pagave për ankuesin; E-mailin e datës 27.01.2021 nga ankuesi; Kontratë pune për kohë të pacaktuar e datës 19.08.2014; Përshkrimi i detyrave të punës i datës 02.06.2015; Ankesë e datës 06.01.2020 e ankuesi për Komisionin e Ankesave; Lista e pushimeve; E-mailin e datës 17.09.2020 e ankuesit; E-mailin e datës 17.09.2020 nga E-mailin e datës 17.09.2020 dhe 16.09.2020 nga E-mailin e datës 16.09.2020 nga Kartela e nëpunësit 2020 dhe 2021 dhe Përgjigjen në ankesë e datës 04.03.2021,

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e bashkangjitura të lëndës të dërguara nga ankuesi dhe organi i punësimit, ka konstatuar se ankesa e ankuesit, është e pabazuar, *sepse*:

Kolegji për Shqyrtimin dhe Vendosjen e Ankesave, duke i shqyrtuar pretendimet ankimore të ankuesit, të cilët pretendojnë që institucioni nuk i ka kompensuar nga pakoja emergjente për muajin korrik, gusht dhe shtator 2020 edhe pse ka punuar më orar 12 orësh, ka konstatuar që ankuesi mban pozitë të nivelit profesional në kuadër të Policisë së Kosovës, ndërsa në bazë të Vendimit me Nr. 02/32 të datës 25.09.2020 të Qeverisë së Republikës së Kosovës në pikën 1 përcaktohet se: *"Nduhen mjete shtesë financiare në vlerën prej 3,989,423E (tre milion e nën qind e tetëdhjetë e nëntë mijë e katërqind e njëzet e tre euro) sipas kërkesës së Ministrisë së Punëve të Brendshme/ Policisë së Kosovës, për angazhimin e shtuar dhe punë me orar të zgjatur në terren të zyrtarëve policor aktiv, në terren dhe të ekspozuar drejtpërdrejtë ndaj pandemisë covid-19"*, mbi bazë të kësaj Kolegji për Shqyrtimin dhe Vendosjen e Ankesave, konstaton se në bazë të këtyre vendimeve kjo shtesë i është njohur vetëm atyre personave që janë drejtpërdrejtë të rrezikuar nga infektimit me COVID-19, respektivisht zyrtarëve policor aktiv në terren.

Andaj Kolegji për Shqyrtimin dhe Vendosjen e Ankesave, konstaton se përveç pozitive të lartcekura në vendim, pozitat e tjera nuk janë të përfshira në pakon emergjente dhe si të tilla nuk kanë mund të realizojnë shtesën e pretenduar, ndërsa ankuesi po ashtu edhe institucioni nuk kanë ofruar asnjë dëshmi me të cilin dëshmohet se ankuesit i është njohur e drejta e kompensimit siç pretendon.

Bazuar në këto rrethana, Kolegji për Shqyrtimin dhe Vendosjen e Ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Iniciimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBBIMIN CIVIL TË KOSOVËS
Lënda me numër A.nr.34/2021

Avdyr BEKTESHI

Zyrtar i Lartë për Bashkëpunim Profesional

Eshref SHABANI

Kryetar i Kolegjit

Vendimi i dorëzohet:

- Ankuesit
- Drejtorit të Përgjithshëm të Policisë së Kosovës;
- Udhëheqësit të Burimeve Njerëzore në Policinë e Kosovës dhe
- Arkivit të KPMSHCK-së.